

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refuges

Broj: 13-04/2-32187-41/20
Sarajevo, 23.09.2020. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

- SKUPŠTINA KANTONA SARAJEVO
Služba za skupštinske poslove
- OVDJE -

- VLADA KANTONA SARAJEVO
Stručna služba Vlade
- OVDJE -

Predmet: Odgovor na zastupničko pitanje, dostavlja se


Zastupnica Neira Dizdarević, je na 28. Radnoj sjednici Skupštine Kantona Sarajevo, održanoj dana 20.08.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavila zastupničko pitanje kako slijedi:

"1. Na osnovu upita građana molim Ministarstvo za rad, socijalnu politiku, raseljena lica i izbjeglice Kantona Sarajevo da odgovori da li naknada zaposlenih roditelja koji imaju dijete sa poteškoćama u razvoju shodno članu 69. Zakona o radu Federacije Bosne i Hercegovine koju Kanton Sarajevo isplaćuje po ovom osnovu iznosi samo 30% visine prosječne plaće, dok je ta naknada u Zeničko-dobojskom kantonu 50% prosječne plate.

Građani pitaju da li se iznos ove naknade planira povećati u budućnosti.

Takođe ljubazno molim da Ministarstvo da pojasni pravni okvir na osnovu kojeg se vrši određivanje ove naknade."

Na navedena zastupnička pitanja, dajemo sljedeći odgovor:



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Quality management system
ISO 9001

- Customer focus
- Customer satisfaction
- Continuous improvement
- System/process effectiveness

ID 15 100 63666

www.tuv.com

Zakon o radu ("Službene novine Federacije Bosne i Hercegovine", br. 26/16 i 89/18) u članu 69. u stavu (1) utvrdio je da jedan od roditelja sa težim smetnjama u razvoju (teže hendikepiranog djeteta) ima pravo da radi polovinu punog radnog vremena, u slučaju da se radi o samohranom roditelju ili da su oba roditelja zaposlena, pod uvjetom da dijete nije smješteno u ustanovu socijalno – zdravstvenog zbrinjavanja, na osnovu nalaza nadležne zdravstvene ustanove, dok je u stavu (2) utvrdio da roditelju, koji koristi pravo iz stava (1) ovog člana pripada pravo na naknadu plaće, u skladu sa zakonom.

U skladu sa navedenim, u članu 153. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14-Prečišćeni tekst, 38/16, 44/17 i 28/18) propisano je da se ženi-majci koja u skladu sa propisima o radu ima pravo na rad sa polovinom radnog vremena, naknada plaće za polovinu radnog vremena kada ne radi, utvrđuje u iznosu od 30% prosječne plaće. Kada su u pitanju novčana davanja u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom, prosječna plaća u Kantonu Sarajevo utvrđuje se svake godine uredbom koju donosi Vlada Kantona Sarajevo i trenutno iznosi 700,00 KM. Prema Instrukciji o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 25/20) koju na osnovu uredbi donosi ministrica svake godine, ova naknada plaće za porodicu koje rade pola radnog vremena iznosi 210, 00 KM.

Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona", br. 13/07, 13/11, 3/15 i 2/16) propisano je da jedan od roditelja sa težim smetnjama u razvoju (teže hendikepiranog djeteta) u slučaju da se radi o samohranom roditelju ili da su oba roditelja zaposlena, pod uvjetom da dijete nije smješteno u ustanovu socijalno – zdravstvenog zbrinjavanja, ima pravo na nadnadu plaće za polovinu punog radnog vremena, kada ne radi u iznosu od 50% od plaće koju bi ostvario za rad sa punim radnim vremenom. Dakle, pojedinačni iznosi nadnade plaće za polovinu punog radnog vremena u Zeničko-dobojskom kantonu, zavise od plaće koju ostvaruje zaposlenica.

Kada su u pitanju novčane naknade za porodicu u Kantonu Sarajevo, nevezano da li se radi o zaposlenim ili nezaposlenim porodicama, njihovo povećanje zavisi od raspoloživih budžetskih sredstava.

S poštovanjem,


Pripremio: Zoran Timarac, šef odjeljenja
Kontrolisao: Nuriya Hodžić, pomoćnik



MINISTRICA

Jasna Agić

Dostaviti:
1. Naslovu,
2. A/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63665
www.tuv.com